

1654 Januar 12., Uri

A

SCHREIBEN VON [LANDRAT HPTM. JOHANN JAKOB] STRICKER AN ALT AM-
MANN [UND DERZEITIGEN STADT- UND AMTSRAT] HPTM. [BE-
AT II.] ZURLAUBEN, ZUG

"Ne pouvant a mon regret faire le voyage de Zuric [wo am 14. Januar 1654 in Sachen Kleinodienstreit mit Frankreich, in welcher Angelegenheit Beat II. Zurlauben eine nicht unbedeutende vermittelnde und koordinierende Stellung innehatte, verhandelt werden sollte]¹ Comme il a esté conclu et arresté pour le[dit] 14 de Janvier ... Je vous ay voulu Supplier par la pr[ese]nte m'en vouloir excuser tant en v[ot]re Endroit, qu'envers Ces M:rs les Collonels et Capp:nes quj S'y pourront trouver.²

Et Pour ce quj est de ma personne et Jnterest Je vous supplie vouloir agréer mon rapport a tout ce que vous ferez me remettant en ce a v[ot]re sentiment et advis. La p[re]sente n'estant pour autre Chose ie la finiray en Priant Dieu q'u'il[!] donne une bonne et heureuse Année avec un bon nombre d'aultres, et me disant tousiours ...".

1) s. etwa Zurlaubiana AH 95/45, 1. Abschnitt

2) Deren Namen s. ebenda AH 62/8, wobei dort vom "Donstag den 15. Januar 1654" die Rede ist.

Original, mit Siegel - AH 133, 269

1599 Mai 11., Dienstag nach Cantate

A

SPRUCH DER SCHIEDLEUTE VON [STADT UND AMT] ZUG IM STREIT ZWISCHEN HPTM. KRISPIN ZELGER, [VON NIDWALDEN], EINERSEITS UND ADAM WEBER UND SEINEN BRÜDERN, VON BAAR, ANDERSEITS BEZÜGLICH DEREN VERSTORBENEN BRUDERS, HANS JAKOB WEBER

*"Vertrag eines vermeintten Todtschlags[:]
Wier die Her nachbenambtten Jacob **Schell** Statthalter [von Stadt und Amt Zug] Haupttman Paulus **Heinrich** [beide von Zug] Haupttman Jacob Haltern [=Halter] Haupttman Heinrich **Bachman**[n, beide von Baar], all vier dess Raths [von Stadt und Amt] Zug, Haupttman Melchior Branden Berg [=Brandenberg] Burger [von] Zug, unnd Haupttman Heinrich **Meyenberg**, wohnhafft Zuo Baar, all sechs verordnete Schid unnd*

Vertragslütt nachvolgendes gespans unnd handels Thund khund offentlich mencklich mitt dissem Brieff, Alss dann sich spän Zwitracht Widerwillen unnd misshellung erhebt entstanden unnd Zugetragen, entt Zwischentt dem ... Herren Haupttman Crispino Zelgern als ... Mit Burgern unnd Brudern Zu Underwalden, eines theils, unnd demm ... Adamen Webern wohnhafftt Zu Baar sambtt syne Brüederen Baschion, Heinrich Unnd Hans denn webern [=Weber], aller Jrer geschwistergen gesiptten gefründtten unnd verwandtten, anders theils, Namlich unnd uss der Ursach, das verschynnen Zwey oder mehr Jar der gedachtten weberen Bruder Hans Jacob weber selig, Jm P[i]emondt Under [dem Regiment von] H. Obersten Casparn **Lussj** [in sav. Diensten] ... dem wolgemeltten Herren Haupttman Zelgern, soltte gedienett haben nun aber uff ein Zitt er Herr Haupttman über solchen synen knaben erzurnett unnd hefftig ergrimmett, das er Zu Jme ettlich streich lauffen lassen, dergestaltt das er Hans Jacob weber von solchenn empfangen streichen, kranck gworden unnd hernacher gestorben, als sy dann dessen von ettlichen Kriegslütten bericht weren worden, derowegen, syne obgemelte verlassne Brüedern, gefründtten unnd verwandtten billicher wys unnd von Bruederlicher, auch befrundter, thruw verursachtt, solchen Jres Bruders seligen Thod Zurechen, unnd also hierumb genambtten Herren Haupttman Zelgern, inn recht Zufassen, unnd demselben nachzukommen ... Harüber die ... Herren Hauptt lütt Melchior B[randen]berg unnd Heinrich Meyenberg, als in nammen unnd anstatt gesagtten Haupttman Zelgers, von demm sy dann was sonders Jnn befelch hattend; anttwurtten liessen, Das nitt ohn er Haupttman Zelger solchen Hans Jacoben weber, synen buben Zornswys als billich hier Zu verursachtt geschlagen, unnd Jm ein kleines wündlin das doch nitt vill schadens bringen mögen uffgeschlagen, habe, sye aber hernach der knab selbstn hingang[en] uff denn Kegelplatz unnd hin Unnd wider solches wündlj verachtt, damals grosse hitz, sich vol gesoffen unnd gar unschon gehalten, das er ann synem Thod selbst Unnd nitt gesagtter Haupttman schuld trage, Sye auch solcher handel diewyl das Regementt bestanden mitt recht ussgemachtt Unnd Jnen hierzu gnugsamm verkundt worden, darüber sy aber ussbliben unnd nitt erschynen vermeinend derohalben gesagtter Haupttman Crispinus Zelger hierumb nitt wytters niemandts Zu anttwurtten schuldig, syn, Jedoch Zu guttem Vertrag disser sach, so hettend sy ettwas befelch von Jme Herren Haupttman mitt Jnen Jnn der guetickeitt, so es ettwan umb ein Summa geldts Zuthun Zehandlen, Hieruff wier die Schidlütt, denn gesagtten Adamen Webern als Jnn statt unnd namen syner geschwistergen gantzer frundtschafftt unnd verwandten Zue der fründtlichen unnd güettlichen under Handlung gemahnett unnd gewysen, dessen er sich undergeben, Derhalben nach langer klag anttwortt red und widerred, unnd güettli-

chem Vertrag, alles hie ohn nott Zemeldten, So habend beide gesagtte H haupttlütt Branden Berg Unnd Meyenberg, so ver disser handel Jnn alle ewickeitt soll vertragen ussgemachtt syn unnd heissen, Jnnamen unnd uss befelch bemelkten H. Haupttmans Crispinj Zelgers demm bemelkten Adamen Weber unnd synen geschwistergen, ... [50] Kronen Zuger warung Zuerleggen unnd fur alle ahnsprach solchen Jres Bruders seligen Thod betreffend, Zegeben versprochen, Harüber wiew die obgedachtten Schidlütten gesagtttem Adamen webern solchem volg Zugeben unnd sich hieran ersettigen Zelassen fründtlich gerathen, demm er allerdings gewilfahrett, unnd also er Adam weber Jnn namen anstatt unnd uss vollem gwaltt aller syner gefründteten geschwistergen unnd bluottsverwandten wybs unnd mans personen kheinen ussgenommen noch vorphaltten Dissem allem was oder wessen wiew schidlütt uns hierinn erkennen, als ann Eides statt nach Zekommen unnd Zugeleben versprochen. Unnd haruff so Erkennend wiew die erstgemelkten schid unnd vertrags lütt, das wover die genambsetten ... [50] Kronen denn gedachtten webern erlegt unnd bezaltt werden Das alsdan unnd hymmitt, aller Unwyl, spän, Jrrung unnd Zwytracht, Zwischen beiden theilen unnd Jren verwandten, gefrüntten oder gesiptten, Jungen oder Altten, unnd allen denen die Jnn disser sach verdacht oder verargwohnett sind, oder fürtter verdacht oder Verargwohnen, unnd sich diser sach annemen Unnd beladen möchttend niemanden noch nichtts ussgenommen, gantz Tod Unnd ab syn unnd bhliben, dess auch gegen niemanden in rechtt noch usserthalb inn einich wyss Zu schimpff noch ernst, Daruss enicherley Unwill gezänck schad, Rach oder straff erwachsen möchtt gedencken noch äfern sol hiemitt ein gantz ussgemachtter handel syn unnd heissen sambttlich für sy Ze beden theilen Jren ewig erben unnd Nachkommen Alles Jnn krafft diss Brieffs, Welchem Zu wahren vestem unnd ewig kreffttlichen Uhrkhundt wiew die gesagttten Schidlütten under unss gebetten denn Ehrenvesten fursichtigen wysen H. Jacoben Schell der Zitt Statthalter [von] Zug, ... das, er für, uns auch für gedachte beide parthyen syn eigen Secret Jnsigel (.doch Jm unnd synen erben unschedlich.) öffentlich henckhen lassen ann dissen Vertrags Brieff so geben unnd der vertrag beschechen ...".